

2025 წლის საგნის გამოცდის შეფასების სქემა
ქართულ ენასა და ლიტერატურაში, მათემატიკასა და ბუნებისმეტყველებაში
(I – IV კლასები)

ქართული ენა და ლიტერატურა

1	დ
2	ბ
3	ა

4	მაქსიმალური ქულა: 6	
	დავალებაში დაშვებული იყო 5 შეცდომა:	
	შეცდომა	უნდა იყოს
	იმ ადამიანებისთვის – ... ვისაც	იმ ადამიანებისთვის – ... რომლებსაც / რომელთაც
	ამოსვა	ამოსხა
	ჩვენს წინაშეა	ჩვენ წინაშეა
	მიკვროდა	მიჰკვროდა
	აღსანიშნად	აღსანიშნავად
	შეცდომის პოვნა აპლიკანტი დაშვებული შეცდომებიდან თითოეულის შესწორებისთვის მიიღებს თითო პლუსს „+“.	
	შეცდომის განმარტება-დასაბუთება - თითოეული შეცდომის მართებულად და სრულყოფილად განმარტება-დასაბუთებისათვის აპლიკანტი დაიმსახურებს ორ პლუსს „++“; - თითოეული შეცდომის ნაწილობრივ მართებულად / არასრულყოფილად განმარტება-დასაბუთებისათვის აპლიკანტი დაიმსახურებს ერთ პლუსს „+“.	
	++ მოცემულია რთული ქვეწყობილი წინადადება, რომელშიც გვაქვს განსაზღვრებით დამოკიდებული წინადადება. იგი მთავარს უკავშირდება შესაბამისი წევრ-კავშირით. აუცილებელია დასახელდეს განსაზღვრებით დამოკიდებული წინადადება და წევრ-კავშირი.	
	++ თუ მხოლოდობითი დასმული სუბიექტური პირის მოქმედება მრავლობითში დასმულ პირდაპირ ობიექტზე გამოხატულია რიცხვში მონაცვლე ზმნით, მაშინ ეს ზმნა უნდა იყოს მრავლობითის ფუძით. აუცილებელია დასახელდეს რიცხვში მონაცვლე / რიცხვში ფუძემონაცვლე.	
	++ წინაშე წარმოადგენს ნათესაობითი ბრუნვის ცალკე მდგომ თანდებულს, შესაბამისად, პირის ნაცვალსახელია და არა კუთვნილებითი. / ნათესაობითი ბრუნვის ცალკე მდგომი თანდებული წინაშე დგას მრავლობითი რიცხვის პირველი პირის ნაცვალსახელთან. აუცილებელია დასახელდეს ნათესაობითი ბრუნვა, თანდებული და პირის ნაცვალსახელი.	
	++ 2-პირიანი გარდაუვალი ზმნაა, რომელიც შეიწყობს მესამე ირიბობიექტურ პირს. სიტყვის ძირი იწყება უკანა სასისმიერი კ ასო-ბგერით და სჭირდება მესამე ირიბობიექტური პირის ნიშანი ჰ. აუცილებელია დასახელდეს 2-პირიანი, მესამე ირიბობიექტური პირი და ასო-ბგერა კ.	

++ მიზნის გარემოების ფუნქციით გამოყენებულ მომავალი დროის მიმდებარე უნდა შენარჩუნდეს -ავ თემის ნიშანი, რადგანაც საწყისი ფორმა არის „აღნიშვნა“, რომელშიც თემის ნიშნის თანხმობა შენარჩუნებულია.

აუცილებელია დასახელდეს საწყისი „აღნიშვნა“ და -ავ თემის ნიშანი.

სწორად დაწერილი სიტყვის არამართებული ფორმით გასწორება

- სწორად დაწერილი თითოეული სიტყვის მცდარი ფორმით შეცვლის შემთხვევაში აპლიკანტის მიერ დაგროვებული პლუსების რაოდენობა თითო პლუსით შემცირდება.

აპლიკანტმა შეიძლება დააგროვოს ჯამში 15 „+“.

ნაშრომი ფასდება დაგროვებული პლუსების საერთო რაოდენობის მიხედვით:

პლუსების რაოდენობა	შეფასება
14 - 15	6 ქულა
12 - 13	5 ქულა
10 - 11	4 ქულა
7 - 9	3 ქულა
4 - 6	2 ქულა
1 - 3	1 ქულა

5 მაქსიმალური ქულა: 2

2 ქულა:

დავლებაში მოცემული წინადადების შინაარსისა და აგებულების ცვლილების გარეშე სწორად არის ამოცნობილი / გასწორებული შეცდომა:

- ✓ ვიქტორინის გამარჯვებულები თბილისის სახელმწიფო უნივერსიტეტის წარმატებული სტუდენტები არიან. / **სტუდენტებია – სტუდენტები არიან**

მოცემულია სრულყოფილი ახსნა: აპლიკანტი პროფესიული ლექსიკის გამოყენებით განმარტავს, რომ როცა შედგენილი შემასმენლის სახელადი ნაწილი / ბრუნებადი სიტყვა სულიერი საგნის აღმნიშვნელი სიტყვაა და ის მრავლობით რიცხვშია, ზმნური ნაწილიც / მეშველი ზმნაც შეურწყმელად, სრულად მრავლობითის ფორმით უნდა გადმოიცეს;

აუცილებელია დასახელდეს 4 კომპონენტი: შედგენილი შემასმენელი, სახელადი ნაწილი / ბრუნებადი სიტყვა, სულიერი და მრავლობითი რიცხვი.

1 ქულა:

- აპლიკანტი მართებულად ამოიცნობს / ასწორებს შეცდომას წინადადების სრულად ან მხოლოდ გასწორებული მონაკვეთის დაწერით, თუმცა ვერ განმარტავს / ვერ ასაბუთებს / არასწორად განმარტავს შეცდომის მიზეზს / არასაკმარისია დასაბუთება / განმარტება ბუნდოვანი და გაუგებარია.

0 ქულა:

შესრულებულია ქვემოთ მოცემულთაგან ერთ-ერთი პირობა:

- არასწორადაა ამოცნობილი და განმარტებული შეცდომა;
- პასუხი არ არის მოცემული.

6.1	გ
6.2	დ

6.3	მაქსიმალური ქულა: 2
	2 ქულა: მოცემულია სწორი, დამაჯერებელი, გამართული მსჯელობა. აპლიკანტი აანალიზებს წერილის ეპიზოდს და ხსნის მის დანიშნულებას პერსონაჟის მხატვრული სახის გააზრებისთვის – კულმინაციური მომენტი, ერთგვარი პიკია უკეთესი ცხოვრებისთვის ბრძოლის გზაზე. იგი დამოუკიდებლად მოქმედებს, ერთგვარი მეტამორფოზის საწყისია მისთვის და მისთ. 1 ქულა: შესრულებულია ქვემოთ მოცემულთაგან ერთ-ერთი პირობა: • აპლიკანტი განმარტავს წერილის ეპიზოდს და მის დანიშნულებას პერსონაჟის მხატვრული სახის გააზრებისთვის, თუმცა წარმოდგენილი მსჯელობა ზედაპირულია / სქემატურია / აპლიკანტი შემოიფარგლება 2-3 სიტყვით; • აპლიკანტი მიუთითებს წერილის დანიშნულებაზე, მაგრამ მსჯელობას გრეგუარის ერთგვარი დახასიათებით აგრძელებს – კეთილია / ყოჩაღია / მონდომებულია და ა.შ. 0 ქულა: შესრულებულია ქვემოთ მოცემულთაგან ერთ-ერთი პირობა: • არასწორადაა ახსნილი წერილის ეპიზოდის დანიშნულება / მსჯელობა მცდარია; • პასუხში წარმოდგენილია გრეგუარის ზოგადი დახასიათება; • პასუხში უმეტესწილად წარმოდგენილია დავალების პერიფრაზი; • პასუხი არ არის მოცემული.
6.4	მაქსიმალური ქულა: 2
	2 ქულა: მოცემულია სწორი, დამაჯერებელი, გამართული მსჯელობა. აპლიკანტი აანალიზებს გრეგუარის საზოგადოებაში თავის დამკვიდრების პრობლემებს – სკოლის არამხარდაშეკერი გარემო, ფიზიკური სისუსტე, და ინდივიდუალური საჭიროებების გაუთვალისწინებლობა, მშობლების ემპათიის დეფიციტი – და განმარტავს, როგორ უმკლავდება ბიჭი ამ გამოწვევას – საკუთარი შესაძლებლობების გაანალიზების შედეგად გაბედული მოქმედება, გადაწყვეტილების დამოუკიდებლად მიღება. 1 ქულა: • აპლიკანტი ასახელებს გრეგუარის საზოგადოებაში თავის დამკვიდრების პრობლემებსა და გამოწვევებთან გამკლავების ფაქტს, თუმცა წარმოდგენილი მსჯელობა ზედაპირულია / სქემატურია / აპლიკანტი შემოიფარგლება რამდენიმე სიტყვით; • მოცემულია გამართული მსჯელობა გრეგუარის საზოგადოებაში თავის დამკვიდრების პრობლემებთან დაკავშირებით, თუმცა აპლიკანტი 2-3 სიტყვით ან მცდარად უთითებს / არ საუბრობს, როგორ უმკლავდება ბიჭი ამ გამოწვევას. 0 ქულა: შესრულებულია ქვემოთ მოცემულთაგან ერთ-ერთი პირობა: • არასწორადაა ახსნილი გრეგუარის საზოგადოებაში თავის დამკვიდრებასთან დაკავშირებული კონტექსტი; • პასუხში უმეტესწილად წარმოდგენილია დავალების პერიფრაზი; პასუხი არ არის მოცემული.

7.1	მაქსიმალური ქულა: 2
	2 ქულა: მოცემულია სწორი, დამაჯერებელი, გამართული მსჯელობა; იდენტიფიცირებული და ახსნილია, რა საერთო ზოგადი პრობლემა იკვეთება ამ ორ ლექსში - სულიერი სიცარიელის / შინაგანი გაუცხოების / უმიზნო, უშინაარსო, უმოქმედო ცხოვრების შიში. 1 ქულა: შესრულებულია ქვემოთ მოცემულთაგან ერთ-ერთი პირობა: • სწორად არის ამოცნობილი / იდენტიფიცირებული ლექსებში წამოჭრილი პრობლემა, თუმცა წარმოდგენილი მსჯელობა ზედაპირულია / სქემატურია / აკლიკანტი შემოიფარგლება რამდენიმე სიტყვით. 0 ქულა: შესრულებულია ქვემოთ მოცემულთაგან ერთ-ერთი პირობა: • არასწორადაა გააზრებული ლექსებში დასმული საერთო პრობლემა / მსჯელობა მცდარია; • პასუხი ძირითადად წარმოადგენს პერიფრაზს; • პასუხი არ არის მოცემული.
7.2	მაქსიმალური ქულა: 2
	2 ქულა: მოცემულია სწორი, დამაჯერებელი, გამართული მსჯელობა; იდენტიფიცირებულია პრობლემის დამღევის გზა – ილიასეული ქმედითობა (ბედთან დაპირისპირება, უმოქმედობასთან, „არაფრობასთან“ ბრძოლა, აქტიური საზოგადოებრივი საქმიანობა; კონკრეტული ნაბიჯები ილიას ცხოვრებიდან: ბანკი, წერა-კითხვის გამავრცელებელი საზოგადოება, პუბლიცისტიკა, საჯარო გამოსვლები და სხვა) მოყვანილია რელევანტური მაგალითი ქართული ლიტერატურიდან და წარმოდგენილია არჩევანის შესაბამისი არგუმენტაცია. 1 ქულა: • იდენტიფიცირებულია პრობლემის დამღევის გზა, განმარტებულია ილიასეული ქმედითობა, თუმცა მოყვანილი მაგალითი ქართული ლიტერატურიდან არარელევანტურია ან მაგალითი რელევანტურია, თუმცა არ არის წარმოდგენილი არჩევანის შესაბამისი არგუმენტაცია; • მოცემულია სწორი მსჯელობა; იდენტიფიცირებულია პრობლემის დამღევის გზა და ილიასეული ქმედითობა, თუმცა ვერ ვხვდებით შესაბამის მაგალითს ქართული ლიტერატურიდან და მის არგუმენტაციას; • სწორად არის ამოცნობილი პრობლემის დამღევის გზა და ილიასეული ქმედითობა, თუმცა პასუხი სქემატურია / ზედაპირულია / შემოიფარგლება რამდენიმე სიტყვით. 0 ქულა: შესრულებულია ქვემოთ მოცემულთაგან ერთ-ერთი პირობა: • არასწორადაა გააზრებული ლექსებში დასმული საერთო პრობლემა / მსჯელობა მცდარია; • მოცემულია მხოლოდ პარალელი ლიტერატურიდან რელევანტური არგუმენტაციის გარეშე; • პასუხი არ არის მოცემული.

მათემატიკა

8	ბ
9	დ
10	ბ
11	ბ
12	ბ
13	ა
14	ბ
15	დ
16	ა
17	ბ
18	ა
19	დ

20	მაქსიმალური ქულა: 3 3 ქულა: - დასაბუთებულია, რომ საპრემიო თანხა ტოლი იყო 5000 ლარის. 2 ქულა: - გამოყენებულია ამოხსნის ადეკვატური გზა, მაგრამ არ არის გაცემული სწორი პასუხი ამოცანაში დასმულ შეკითხვაზე; - გამოყენებულია ამოხსნის ადეკვატური გზა და გაცემულია სწორი პასუხი ამოცანაში დასმულ შეკითხვაზე, მაგრამ არასაკმარისადაა დასაბუთებული. 1 ქულა: - ამოცანის ამოხსნა დაწყებულია ადეკვატური გზით, გადადგმულია მნიშვნელოვანი ნაბიჯი, მაგრამ სათანადოდ არ არის გაგრძელებული. 0 ქულა: - მოცემულია სწორი პასუხი, მაგრამ დასაბუთების გარეშე.
21	მაქსიმალური ქულა: 3 სულ დაშვებულია 6 შეცდომა: 1) II. დაშვებულია შეცდომა ფრჩხილებში გამოსახულების ჩაწერისას. უნდა იყოს: $94 - 27 - 7 = 94 - (27 + 7)$ 2) დაშვებულია შეცდომა სიდიდეების ჩაწერისას. უნდა იყოს: II. 50030 კგ III. 380 წმ 3) დაშვებულია შეცდომა კანფეტების რაოდენობის გამოსათვლელი გამოსახულების ჩაწერისას. უნდა იყოს: $2 \cdot (7 + 1)$ 4) დაშვებულია შეცდომა მოქმედების ნიშანში $220 - 26$ 5) დაშვებულია შეცდომა პერიმეტრის გამოსათვლელი გამოსახულების ჩაწერისას. უნდა იყოს: $2 \cdot 2 \cdot (3 + 2)$ სმ ან $2 \cdot 10$ სმ

აპლიკანტი მე-2-ის II და III დავალებების ამოხსნისას მოსწავლის მიერ დაშვებული შეცდომებიდან თითოეულის აღმოჩენისა და შესწორებისთვის მიიღებს თითო-თითო „+“-ს, ხოლო მოსწავლის მიერ დაშვებული დანარჩენი 4 შეცდომიდან თითოეულის აღმოჩენისა და შესწორებისთვის მიიღებს ორ-ორ „+“-ს. ამასთან, იმ შემთხვევაში, თუ აპლიკანტმა მოსწავლის შეცდომა კი არ შეასწორა, არამედ თვითონ ამოხსნა სწორად, მაშინ ის მიიღებს მხოლოდ ერთ „+“-ს.

აპლიკანტის მიერ მოსწავლის სწორად შესრულებული თითოეული ნაბიჯის არასწორად ჩათვლის შეთხვევაში მის მიერ დაგროვილი „+“-ების რაოდენობა თითო „+“-ით შემცირდება.

აპლიკანტმა შეიძლება დააგროვოს მაქსიმუმ 10 „+“.

შეფასება ხდება დაგროვებული „+“-ების საერთო რაოდენობის მიხედვით:

პლუსების საერთო რაოდენობა:	შეფასება
9-10	3 ქულა
6-8	2 ქულა
3-5	1 ქულა
0-2	0 ქულა

ბუნებისმეტყველება

22	ბ
23	ა
24	ბ
25	ა
26	ბ
27	ბ
28	დ
29	ბ
30	ა
31	დ
32	ბ
33	ბ

აკადემიური უნარები

წაკითხული ტექსტის გააზრება

34	ბ
35	დ
36	ბ
37	ა
38	დ

მაქსიმალური ქულა: 9

I. დასაბუთება / არგუმენტაცია *

ნაშრომი მოცემული პირობის რელევანტურია, ავტორის პოზიცია მკაფიოა, არჩეულია დებულება, წარმოდგენილია შესაბამისი დასაბუთება, გაკრიტიკებულია საწინააღმდეგო დებულება. მსჯელობა გამყარებულია დამაჯერებელი, ადეკვატური არგუმენტებითა და მაგალითებით.

3 ქულა:

მკაფიოდ არის არჩეული ერთ-ერთი დებულება და დასაბუთებულია გააზრებული, თანმიმდევრული და ლოგიკური არგუმენტებით. მოყვანილი არგუმენტები გამყარებულია ადეკვატური მაგალითებით ან ლოგიკური მსჯელობით. თანმიმდევრული მსჯელობითა თუ შესაბამისი მაგალითებით კრიტიკულად არის შეფასებული საწინააღმდეგო პოზიცია / საკითხის გადაჭრის მეორე შესაძლო გზა.

2 ქულა:

მკაფიოდ არის არჩეული ერთ-ერთი დებულება. არგუმენტაცია ლოგიკურია, თუმცა:

- გვხვდება 1-2 ზოგადი ფრაზა პოზიციის დასაბუთებისას;
- მოყვანილი არგუმენტებიდან 1-2 ზედაპირულია, მაგრამ მსჯელობა გამყარებულია მაგალითებით;
- საწინააღმდეგო დებულების კრიტიკული ანალიზისას მოხმობილი არგუმენტებისა და მაგალითების ნაწილი ზედაპირულია / ზოგადია / არადამაჯერებელია / შემოიფარგლება რამდენიმე წინადადებით.

1 ქულა:

იკითხება / ამოიცნობა აპლიკანტის არჩევანი. არგუმენტაცია მეტ-ნაკლებად ლოგიკურია, თუმცა:

- პოზიციის დასაბუთებისას გამოყენებულია ზოგადი ფრაზები;
- მოყვანილი არგუმენტების / მაგალითების მნიშვნელოვანი ნაწილი ზედაპირულია;
- საწინააღმდეგო დებულების კრიტიკული ანალიზისას წარმოდგენილი მსჯელობა ზოგადია / არადამაჯერებელია / არ არის გამყარებული რელევანტური არგუმენტითა თუ მაგალითით;
- მკაფიოდ არის არჩეული დებულება. არჩევანის დასასაბუთებლად მოხმობილი არგუმენტაცია ძირითადად ლოგიკურია, თუმცა ნაშრომში არ იკითხება საწინააღმდეგო დებულების კრიტიკული ანალიზი ან მხოლოდ იდენტიფიცირებულია კონტრარგუმენტი მსჯელობის გარეშე.

0 ქულა:

შესრულებულია ქვემოთ მოცემულთაგან ერთ-ერთი პირობა:

- მსჯელობა დავალების პირობასთან მიმართებით არარელევანტურია;
- არჩეული არ არის პოზიცია, თემაში მიმოხილულია დავალებაში მოცემული საკითხები / არ წარმოადგენს არგუმენტირებას თუ კრიტიკულ ანალიზს;
- პოზიცია არჩეულია, თუმცა მსჯელობა სრულიად მცდარია / შეუსაბამოა / დაუსაბუთებელია;
- მსჯელობა არ არის ლოგიკური, თანმიმდევრული;

**მსჯელობისას ფაქტობრივი შეცდომის დაშვების შემთხვევაში აპლიკანტს პირველ კომპონენტში დააკლდება 1 ქულა.*

**თუ ნაშრომი პირველი კრიტერიუმის მიხედვით შეფასდება 0 ქულით, ის აღარ გასწორდება სხვა კრიტერიუმების მიხედვით.*

II. თხრობის ორგანიზება

ნაშრომი სტრუქტურულად გამართულია, აზრები მწყობრად, თანმიმდევრულად არის გადმოცემული, თხზულების ნაწილები ერთმანეთთან ლოგიკურადაა დაკავშირებული.

2 ქულა:

- ტექსტი სტრუქტურულად გამართულია – ნაწერში წარმოდგენილია საკითხის დასმა, მსჯელობა, დასკვნა; აზრები მწყობრად არის გადმოცემული, მონაკვეთები ლოგიკურად უკავშირდება ერთმანეთს; აზრები ლოგიკურად არის გამოყოფილი. წარმოდგენილია დავალების პირობის ყველა კომპონენტი – არჩეულია დებულება, დასაბუთებულია არჩევანი და გაკრიტიკებულია საკითხის გადაჭრის მეორე შესაძლო გზა.

1 ქულა:

შესრულებულია ქვემოთ მოცემულთაგან ერთ-ერთი პირობა:

- მკაფიოდ არის წარმოდგენილი ტექსტის მხოლოდ ორი სტრუქტურული ნაწილი;
- წარმოდგენილ მსჯელობაში კრიტიკულად არ არის შეფასებული საკითხის გადაჭრის მეორე შესაძლო გზა;
- ტექსტის ზოგიერთი მონაკვეთი ლოგიკურად არ უკავშირდება დავალების პირობას;
- ერთი-ორი პასაჟი თხზულების სტრუქტურიდან ამოვარდნილია;
- წარმოდგენილი დასკვნა მკაფიოდ / პირდაპირ არ მიემართება დავალების პირობაში დასმულ საკითხებს / არ გამომდინარეობს მსჯელობიდან;
- უფუნქციოდ, დატვირთვის გარეშე მეორდება ერთი და იგივე აზრი;
- ნაშრომში აზრები არ არის გამოყოფილი ან არალოგიკურადაა გამოყოფილი.

0 ქულა:

შესრულებულია ქვემოთ მოცემულთაგან ერთ-ერთი პირობა:

- ნაწერის მხოლოდ მცირე მონაკვეთი ეთმობა მსჯელობას (რამდენიმე წინადადება, პატარა აზრები ა. შ.);
- მოსაზრებები, ტექსტის უმეტესი ნაწილი ერთმანეთსა და დავალების პირობებს ლოგიკურად არ უკავშირდება;
- ნაწერში წარმოდგენილია ტექსტის მხოლოდ ერთი სტრუქტურული ნაწილი;
- პოზიცია 1-2 წინადადებით არის იდენტიფიცირებული, თუმცა ნაშრომში საკითხის სამსჯელოდ დასმას / წამოჭრას ვერ ვხვდებით.;
- სტრუქტურიდან ამოვარდნილია რამდენიმე პასაჟი.

III. სტილი, ლექსიკა

აზრები ცხადად, ნათლადაა გამოთქმული, ნაწერი ლექსიკურად მდიდარი და სტილურად გამართულია, ლექსიკა შეესაბამება დასმულ საკითხს.

2 ქულა:

- ნაშრომში გვხვდება ერთი-ორი უმნიშვნელო სტილური ხარვეზი, ტექსტი ლექსიკურად მდიდარია, აზრი მკაფიოდ და გამართულად არის გადმოცემული, გამოყენებულია საკითხის შესაფერისი ლექსიკა და სტილი.

1 ქულა:

შესრულებულია ქვემოთ მოცემულთაგან ერთ-ერთი პირობა:

- ნაშრომში გვხვდება რამდენიმე სტილური ხარვეზი. გამოყენებული ლექსიკა და სტილი ძირითადად შეეფერება საკითხს.
- ნაწერი ლექსიკურად მწირია, თუმცა, გამოყენებული ლექსიკა და სტილი ძირითადად შეეფერება საკითხს.

0 ქულა:

შესრულებულია ქვემოთ მოცემულთაგან ერთ-ერთი პირობა:

- ნაწერი ლექსიკურად ღარიბია;
- დაშვებულია სტილური ხარვეზები;
- ნაშრომში გარკვეული მონაკვეთი სტილურად გაუმართავია;
- გამოყენებულია არაადეკვატური ლექსიკა / სტილი.

IV. სინტაქსი, მორფოლოგია, პუნქტუაცია

ნაწერი შესრულებულია თანამედროვე სალიტერატურო ენის ნორმების დაცვით.

2 ქულა:

- დაშვებულია ერთი-ორი ორთოგრაფიულ-მორფოლოგიური / პუნქტუაციური შეცდომა, არ არის დაშვებული სინტაქსური შეცდომა, დაცულია თანამედროვე სალიტერატურო ენის ნორმები.

1 ქულა:

- დაშვებულია არაუმეტეს ხუთი სინტაქსური, ორთოგრაფიულ-მორფოლოგიური და პუნქტუაციური შეცდომისა;

0 ქულა:

- დაშვებულია ექვსი და მეტი სინტაქსური / ორთოგრაფიულ-მორფოლოგიური / პუნქტუაციური შეცდომა; ნაშრომში დარღვეულია თანამედროვე სალიტერატურო ენის ნორმები.

ნაშრომი არ გასწორდება, თუ:

შესრულებულია ქვემოთ მოცემულთაგან ერთ-ერთი პირობა:

- შეიცავს ინფორმაციას, რომლის საშუალებით შესაძლებელია აპლიკანტის პიროვნების იდენტიფიცირება – სახელსა და გვარს (რეალურსა თუ გამოგონილს), მეტსახელს, ხელმოწერას და ა.შ.
- შესრულებულია ისეთი ხელწერით, როგორის წაკითხვაც შეუძლებელია.

ნაშრომი უნდა შეიცავდეს, სულ მცირე, 120 სიტყვას. სხვა შემთხვევაში ის გასწორდება მხოლოდ I კრიტერიუმის მიხედვით.

გაითვალისწინეთ!

- თუ სწორ პასუხთან ერთად აპლიკანტი არასწორ პასუხსაც მიუთითებს, შეფასდება 0 ქულით;

- თუ ტესტის ქართული ენისა და ლიტერატურის ნაწილში მოცემულ დავალებებზე პასუხის გაცემისას დარღვეულია თანამედროვე სალიტერატურო ენის ნორმები, აპლიკანტს დავალების შეფასებისას დააკლდება 1 ქულა.